

Ænigmata quædam S. Scripturæ.

1. Quis hominum nunquam natus, & tamen mortuus est?

R. Adamus, quem Dominus Deus formavit de limo terræ. Gen. 2. Idem est de Evâ, quam ædificavit ex costâ Adami. Ibidem.

2. Quis natus & nunquam mortuus est?

R. Enoch & Elias. Vide infra Scenâ sextâ.

3. Quis mortuus est, & nunquam corruptus?

R. Uxor Patriarchæ Loth, *Quæ versa est in Statuam salis.* Gen. 19.

Hæc tria Ænigmata Philosophus quidam proposuit S. Theodoro, discipulo S. Bachonii.

4. Quis est homo moriens & generans?

R. Quod sit Isaac immolandus à Patre suo Abrahâ; erat enim tunc *moriens*, quia dum Pater arripuit gladium ad immolandum filium, hic exeruit cervicem ad excipiendum ictum: unde etiam habetur pro Martyre, sicut S. Joan. Evangelista. Erat etiam *generans* in comparatione ad Posterios, quos Deus tunc promittebat. Vide Cornelium Gen. 22. v. 10, & ad Hebræos 11. v. 19.

5. Quis est *Neque initium dierum, neque finem vitæ habens*?

R. Ex Apostolo ad Hebr. 7. v. 3. Quod fuc-

Ænigmata.

fuerit Melchisedech, qui etiam ibidem dicitur
fuisse *Sine Patre, sine Matre, sine Genealogiâ.*
Sed quomodo hæc sunt intelligenda? Respon-
detur primò, id non dici absolute, sed respectu
Sacerdotii, quia non jure hæreditario, nec per
carnis successionem Sacerdotium inivit; neque
legitur Sacerdotii sui habuisse successorem, uti
Aaron habuit Eleazarum. Secundò responde-
tur hæc idem dici, quia Scriptura non meminit,
quando natus & mortuus sit Melchisedech,
sicuti meminit nativitatis & mortis Aaronis;
idque hoc sine, ut Melchisedech, cui tenuit
& exiliter tantum hæc verba competunt, ad-
umbraret Christum, qui verè & realiter non
habet initium, nec finem dierum, sed est æter-
nus. Sic etiam dicitur fuisse sine Patre &c.
Quia Gen. 14. Scriptura eum repente inducit,
non præmissâ ejus stirpe & Genealogiâ. De
cætero Epiphanius Hæresi 55. & 67. Patrem
ejus Heraclam, matrem Astereth nomi-
natam scribit. Vide Cornelium in
locum citatum.

